

**Maniitsumi meeqqerivinnut sisamanut
nioqqutissanik nerisassanillu aggiussisaneq pillugu
neqeroortitsissuteqarneq**



**Ulloq suliariumannittussarsiuussineq 4. oktobari 2024
Suliariumannittussarsiuussisoq: Qeqqata Kommunia**

1. Tunuliaqut siunertarlu

Qeqqata Kommuniata Maniitsup illoqarfiani meeqqerivinnut meeqqanut nerisaqartitsinissamut tamanut suliariumannittussarsiuussilluni matumuuna neqeroortitsivoq. Makku pineqarlutik:

- Meeqqanut 223-usunut meeqqerivimmiittartunut ullup-qeqqasiortitsinissamut ualikkullu nerisassanik pajuttarneq.
- Pajugutigineqartussat:
 - Aasaanerani maajip aallaqqaataanit aggustip 31-ata tungaanut: Sapaatip akunneranut marloriarluni ullup-qeqqasiutit kissartut, sapaatip akunneranut pingasoriarluni ullup-qeqqasiutit nillertut,
 - Ukiuunerani septembarip aallaqqaataanit aprilip 30-ata tungaanut: Sapaatip akunneranut pingasoriarluni ullup-qeqqasiutit kissartut, sapaatip akunneranut marloriarluni ullup-qeqqasiutit nillertut.
- Meeqqanut sapigalinnut immikkut nerisassiuussisoqartassaaq, meeraaqqanullu ataaseq ataallugu ukiulinnut nerisassat aserorterluarsimassallutik.

1.2 Suliassartaa naatsumik

Suliariumannittussarsiuussinermut atortunit meeqqeriviit kiisalu ukiut agguataarneri tullinnguuttut pineqarput:

Suliffeqarfik	Najugaqarfik	Ukiut	Antal	Sapigallit	Suli ataatsimik ukioqalinngitsut
Kuunnguaq:	Minneralak 15 – B 1381	0-6-inut ukiullit	88	14	4
Aanikasik	Esbjergip aqq B-750	0-6-inut ukiullit	51	1	6
Paarsi:	Annertusoq B-1056	0-6-inut ukiullit	44	3	4
Angaju	Ujuaansip aqq. B-201	0-6-inut ukiullit	40	5	0
Meeqqeriviit sisamat katillugit:			223	23	14

Meeqqeriviit tamarmik ulluinnarni ammasarput.

Ullup-qeqqasiutissanik ualikkullu nerisassanik pajuttarnissami, meeqqerivinnut assartuineq ilanngullugu aalajangersimasumik akeqartillugu neqeroortoqassasoq Qeqqata Kommuniata kissaatigaa.

Isumaqatigiissut ukiuni sisamani atuulluni 2025-mi januarip aallaqqaataanit 2028-mi decembarip 31-ata tungaanut atuutissaaq.

Suliassap naammassineqarnissaanut neqerooruteqartup suliassai tamarmik nassuiarneqarsimassapput, matumani ilanngullugit:

- sapaatip akunnerata ingerlanerani ulluinnarni ullup-qeqqasiutissanik ualikkullu nerisassanik pajuttarnissap pilersarusiorfigineqarnera.

Ilanngussatut ilanngunneqartoq 1 neqeroorummik tunniussinermut atatillugu allanngortinneqarani atorneqassaaq aammalu immersorsimalluni neqeroorutip ilaatut ilaatinneqassaaq.

Neqeroorusiornermi aningaasartuutit tamaasa neqerooruteqartup nammineq matussusissavai. Neqerooruteqarnermi atortussat ilanngussartallit kommunip pigisaatut isigineqassapput, utertinneqassanatillu.

Ullup-qeqqasiutissanik ualikkullu nerisassanik pajuttarnissamut piunasaqaatit:

Ukioqanngitsuniit pingasut tikillugit ukiullit nal. 10:30 ullup-qeqqasiortarput, pingasuniit arfinillilu tikillugit ukiullit nal. 11:00 ullup-qeqqasiortarlutik.

Ualikkut nal. 14:00 ataatsimut nerineq pisarpoq.

Ullup-qeqqasiutissat nillertut makkuusinnaapput:

- Tiggaliat nalinginnaasut imaluunniit aseqqorluttunik iffiukkat, assigiinngitsunik qallersuusikkat naatitalikkallu. Meeqqamut ataatsimut tiggaliat affat sisamat. Tiggaliat, tarnutit, naatitat allalluunniit qallersuutissap qaavanut ilineqartussat, immikkut tunniunneqartassapput. Tiggaliat meeqqat namminneerlutik tanittassavaat.

Ullup-qeqqasiutissat kissartut makkuusassapput:

- Ukiup qanoq ilinera malillugu sapaatip akunneranut marloriarluni neqinik aalisakkanillu kalaaliminernik pajuttoqartassasoq. Aalisagaasinnaapput, puisiusinnaapput, arfiusinnaapput, tuttuusinnaapput savaasinnaallutillu. (aarrup neqaa imaluunniit nerisassat kimeqarpallaarsinnaasut pinnagit).
- Nerisassanut pilersaarutip qanoq innera apeqqutaalluni tuniussisussamit "tassangaannartumik" nutaaqartillugu allanngortinneqarsinnaavoq.
- Kalaaliminernik pisinermi piumasqaataavoq tamatigoruinnaq kalaalimineerniarfimmiit/Qimatulivimmiit pisiarineqassasut.

Ualikkut nerisassat makkuusinnaapput:

- Paarnat/naatitat, boorlut/knækbrød-it assigiinngitsut, immussuaq tarnussinnaasoq, paarnanik kigutitalinnik kinertuliat assigiinngitsut, yoghurt, qaammammut ataasiarluni aalisakkat panertut aammalu nikkut, paarnanik suppiliat il.il.

Decembarip 23-ani meeqqanut juullerpalaartunik ullup-qeqqasiortitsisoqartassaaq, juunip aallaqqaataani meeqqueriviillu nalliuttorsiornerini mamarluinnartunik nerisassanik sassaalliisoqartassaaq. Meeqqueriviit nunaliarnissaminnut atatillugu taquassanik piniarsinnaanissaat periarfissaassaaq.

- Nerisassat kissaannariaannaanatik pitsaallutik, nutaajullutik, peqqinnartuullutillu inuussutissaqarluassapput.
- Nerisaqarnermut siunnersuutit qulit malinneqartassapput, taamaalillutik meeqqat ukiuinut naapertuullutik. Paarisami nerisaqarnermut siunnersuisooqatigiinniillu "Meeraaqqat 0-3 ukiullit aamma naartusut milutsitsisullu nerisassaat" Nerisaqarnermut Siunnersuisooqatigiit 2012, aammalu "Siunnersuutit peqqinnartut meeqqanut 4-10 ukiulinnut nerisarisat aalanissarlu pillugit" nerisaqarnermut siunnersuisooqatigiit 2005 takukkit
- Meeqqat sapigallit nerisassanut assigiinngitsunut malussarissinnaasarput. Nerisassat sorliit pineqarnermut "Siunnersuutit peqqinnartut meeqqanut 4-10 ukiulinnut nerisarisat aalanissarlu pillugit" nerisaqarnermut siunnersuisooqatigiit 2005-mi Sapigaqarneq pillugu immikkoortumi qupperneq 36-mi takuneqarsinnaapput. Meeqqat amerlassusaat nikerartupilussusarpoq.
- Sapinngisamik meeqqanut sapigalinnut nerisassat akuerinartuunissaat anguniarlugu, meeqqap sapigallip nerinissaanut pilersaarut angajoqqaat meeqquerivillu suleqatigalugit suliarineqassaaq.
- Nerisasanut pilersaarutip suliarineqarnerani aamma meeqqat sapigallit pillugit peqqinnartunik inuussutissartalinnillu nerisaqartitsineq qulakkeerniarlugu ataavartumik oqaloqatigiinnerit pissapput.
- Meeqquerivimmut nerisassanik pajussinissamut nalunaaqutaa pillugu isumaqatigiissut naapertorlugu pajugutigineqartassapput.
- Nerisassat kissartut, nerisassanik kissalaartunik assartuinissami atugassiat atorlugit pajugutigineqartassapput.

Nerisaqartitsisup meeqqueriviillu akornanni suleqatigiinneq:

- Nerisaqartitsisup meeqqueriviillu akornanni pitsaasumik attaveqartoqassaaq.
- Meeqquerivinnut sapaatip akunnera sioqqullugu tunniunneqartartussamik aammalu Qeqqata Kommuniata nittartagaanut saqqummiussassanngorlugu, sapaatit akunneri tallimakkaarlugit nerisassanut pilersaarummik suliaqartoqartassaaq.
- Naammagittaalliortoqassatillugu nerisaqartitsisup meeqquerivik pineqartoq peqatigalugu

paatsuungassutaasinnaasut isumaqatigiinningsutaasinnaasullu iluarsiniarneqassapput.

- Minnerpaamik qaammammut ataasiarluni nerisassanik misileraasartussamik nakkutilliisussamik, Ilinniartitaanermut immikkoortortaq toqqaassaaq.
- Qaammatit pingasukkaarlugit meeqqerivinnit pisortat, meeqqeriviit allaffeqarfianni pisortap nerisaqartitsisullu akornanni ataatsimiittoqartassaaq.

1.3 Suliariumannittussarsiuussinerup ilusaa

Pisortat oqartussaaffigisaanni suliffeqarfiinilu nioqqutissanik kiffartuussinernillu pisiniarnermut tunngatillugu neqeroorteqartitsisarneq pillugu Inatsisartut inatsisaanni nr. 6, 12. juni 2019-imeersumi § 13 naapertorlugu tamanut neqeroortitsisoqarpoq.

1.4 Suliakkiuteqartup atia attaveqarfigineqarnissamullu paasissutissat

Qeqqata Kommunia
Kuuttartoq 8 B-1077
3912 Maniitsoq

Attaveqaataasoq:
Maliina H. Lyberth
Oqarasuaat: 817803
E-mail: man.uddannelse@qeqqata.gl

1.5 Takuniaaneq apeqqutillu

Ataasinngorneq ulloq 14. oktobari 2024-mi nal. 10.00 takuniaasoqassaaq. Naapiffissaq tassaassaaq Kommunip Allaffiani Ilinniartitaanermut Immikkoortumi Kuuttartoq 8.

1.6 Apeqqutit

Suliariumannittussarsiornermut atatillugu apeqqutit tamarmik allakkatigut kalaallisut danskisulluunniit neqeroortitsineq pillugu immikkoorteq 1.4-mi najugaqarfigisaq aqqutigalugu nassiunneqassapput.

Apeqquteqarfissap killia: Tallimanngorneq 11. oktobari 2024.

1.7 Nipangiussisussaataaneq

Pissutsit Suliakkiuteqartumut tunngassutillit pisortatigoortumillu pissarsiarineqarsinnaanngitsut kiisalu Neqeroorteqartup suliariumannittussarsiuussinermi immaqalu kingusinnerusukkut isumaqatigiissusiornermi paasisimalikkani allanut ingerlateqqissinnaanngilai.

2. Peqataanissamut mattunneqarneq

Suliffeqarfiup taassumaluunniit siulersuisuisa qullersaqarfiataluunniit ukiut kingullit sisamat ingerlanerini pissutsit ilaat uku ataaseq arlallilluunniit eqqartuussutigisimappatigut Neqeroorteqarteq suliariumannittussarsiornermit peqataasinnaajunnaassaaq:

- 1) akiliilluni pinerluuteqarneq, peqquserlunneq imaluunniit niuernikkut unammilleqatigiinnermik annikillisisumik ingerlataqarneq,
- 2) aaqqissuussaasumik pinerlunniaqatigiinnut peqataaneq,
- 3) peqqarniisaarnernut imaluunniit peqqarniisaarnermut atatillugu pineqaatissiisutigineqarsinnaasumik iliuseqarsimanerit,
- 4) aningaasanik peqquserlunnikkut pissarsiarisimasanik malunnarunnaarsaaneq imaluunniit peqqarniissaarniartarnernut aningaassaliissuteqartarneq, imaluunniit
- 5) meeqqanik sulisitsineq imaluunniit inunnik niueruteqarneq.

Aammattaq suliffeqarfik ima iliuseqarsimappat Neqeroorteqarteq peqataanissamut mattunneqarsinnaavoq:

- 1) Kalaallit Nunaanni nunamiluunniit allami suliffeqarfiup pilersinneqarfiani akileraarutininik akitsuutinillu 100.000 DKK-it sinnerlugit amerlassusilinnik akilerneqanngitsunik akiitsoqarpat, tamanna atuutissanani suliffeqarfik akiitsut ilaannut 100.000 DKK-it sinnerlugit amerlassusilinnut qularnaveeqqusiisimappat imaluunniit akiitsut akilersorneqarnissaat pillugu isumaqatigiissuteqarsimappat isumaqatigiissumilluunniit malinnissimappat,
- 2) akiliisinnaajunnaalerpat, aaqqissuteqqinnissamut atorunnaarnissamulluunniit sulissutigineqarpat imaluunniit taamaaqataanik inissisimappat,
- 3) ukiuni kingullerpaani pingasuni inuussutissarsiuutit ingerlatami ingerlanneranut atatillugu annertuumik sumiginnaasimappat, tassunga ilanngullugu Namminersorlutik Oqartussanut

kommuninulluunniit isumaqatigiissummik eqquutsisisimangippat, isumaqatigiissutip pineqartup atorunnaarsinnissaanik kinguneqartumik, imaluunniit

- 4) ukiuni kingullerpaani pingasuni piaaraluni Namminersorlutik Oqartussanit suliariumannittussarsiuussinermut atatillugu eqqunngitsunik paasissutissiisimasooq

Neqerooruteqartup neqerooruteqarnermi ilagisaatut nalunaarut atsiorsimasooq ilanngullugu nassiutissavaa Kalaallit Nunaanni Namminersorlutik Oqartussani neqerooruteqarnermut uppersaataat, Neqerooruteqartup siuliani allassimasut ilaannut ataatsimut arlalinnulluunniit ilaanginnerminut uppersaataa.

3. Piukkunnassuseqarneq

Neqerooruteqartoq piukkunnassuseqarnissamut tulliuuttutigut minnerpaatut piumasaqaatinik naammassinnippoq.

Neqerooruteqartup imm. 3.1 malillugit aningaasaqarnikkut, teknikkikkut suliatigullu piginnaasaqarnissamik immikkoortumi piumasaqaatigineqartut suliffeqarfiit allat aqquutigalugit imaluunniit aqquutigalugit naammassisinnaavai, taamaattoqassappallu suliffeqarfigisap(sat) uppersaanaera atsiorsimasooq ilanngullugu nassiunneqassaaq, taassumalu neqerooruteqartup isumaqatigiissummik tunineqarnermigut naammattunik aningaasaateqarnera uppersassavaa.

Neqerooruteqartoq allamik pilersuisumik toqqaassappat tassunnga Kalaallit Nunaanni Namminersorlutik Oqartussani neqerooruteqarnermut uppersaataat aamma ilanngunneqassaaq.

3.1 Suliassamik pineqartumik ingerlatsinissamut piukkunnassuseqarneq

Piumasaqaatit minnerpaaffissaat:

- a) CVR-nalunaarsorsimaneq.
- b) Uppersaatinik eqqortunik piginninneq.
- c) Attuumassuteqartunik qularnaveeqquteqarneq ass.:
Neqerooruteqartoq suliamik akisussaaffeqartutut qularnaveeqqummik suliassiissummut suliariumannittussarsiorneqartumut atuuttumik pilersitsisimassaaq.
- d) Inuusutissarsiuutit neqeroorutigineqartup ingerlannissaanut piukkunnassuseqarpata, aamma
- e) neqeroorutitut isumaqatigiissutit piviusunngortinnissaanut aningaasaqarnikkut kiisalu teknikkikkut suliatigullu paasisimasaqarnissamut pisinnaassuseqarpata.
 1. Neqeroorutigineqartut assingilik pilersuinissamik misilittagaqarneq.
 2. Sulisut pingaarutillit piginnaasaqarfigisaat.
 3. Eqqiaanermut atortussat tamat.
 4. Pitsaassutsinik avatangiisitigullu aqutsineq.
 5. suliffeqarfiugaanni aallarlerlaaq, suliassap naammassineqarnissaanut neqerooruteqartoq takusutissiisaaq, ilaatigut sulisoqarnikkut aningaasaqarnikkullu piginnaasatigut.

4. Neqeroorummik saqqummiussineq

Neqeroorut kalaallisut danskisulluunniit oqaasertaliorneqassaaq aammalu Suliakkiuteqartumut 1.4-mi taaneqartumut nassiunneqassaaq. Neqerooruteqartup akisussaaffigaa, neqeroorut neqeroortitsinermi piffissaliusaaq immikkoortoq 4.3-mi allassimasup qaangiutinnginnerani Suliakkiuteqartumit tigueqareersimanissaata qulakkeernissaa.

Allakkap puua ima nalunaaqutserneqassaaq: ”Maniitsumi meeqqerivinnut sisamanut nioqqutissanik nerisassanillu agguissisarneq pillugu neqeroortitsissuteqarneq”, kiisalu neqerooruteqartup aqqa najugaalu.

Neqerooruteqartup piffissamit neqerooruteqarnissamut killiliussamit ullut 30-t neqeroorutigisani attassinnaassavaa.

4.1 Neqeroorutaasup imarisaa

Neqeroorut imaattunik ilaqartinneqassaaq:

- Aaqqiissutissatut allaaserisaaq.
- Neqeroorfissaaq immersorsimasooq, ilanngusaaq 1 takuuk

- Neqeroorut ukioq ataaseq atuutissaq (Neqeroorfissaq immersugassaq ilanngussaq 1-miittoq immersorneqassaaq)

4.2 Isumaqatiginninniarnissamut ^[1]_{SEP} inerteqqut

Suliakkiisup erseqqissaatigissavaa, assigiimmik pinninnissamik paasiuminartuunissamillu tunngaveqarnissaq malillugu neqeroortitsinerup ingerlanneqarnerata nalaani Neqerooruteqartoq Suliakkiisumik isumaqatigiissusiorsinnaatitaanngilaq.

4.3 Neqeroortitsinerumut killissarititaasoq

Neqeroorut Suliakkiuteqartumit kingusinnerpaamik tiguneqareersimassaaq: tallimannorneq ulloq 25. oktobari nal. 16.00.

Neqeroorutit piffissap neqerooruteqarfissap naanerata kingorna tiguneqartut itigartinneqassapput.

5.0 Neqeroorummik nalilersuineq

5.1 Neqeroorutinik ammaaneq

Suliakkiuteqartoq neqeroorutinik tiguneqartunik tamanik ammaassaaq. Neqerooruteqartunik ammaanermi peqataasinnaanngillat.

5.2 Tunniussinissamut piunasaqaatit

Akit pitsaassuserlu tunniunneqartut aallaavigalugit isumaqatigiissut tunniunneqassaaq aamma annertussusertut tunngaviit tullinnguuttut pingaartinneqassapput tunngaviit pingaartinneqartut ima isikkoqartillugit:

Akeq	60 %
Pitsaassuseq	20 %
Kiffartuussineq	20 %

5.3 Isumaqatigiissummik tunniussineq

Isumaqatigiissut Suliakkiuteqartumut aningaasatigut pitsaassutsikkullu iluanaarutaanerpaasussamik ataatsimut isigalugu neqerooruteqartumut tunniunneqassaaq. Neqeroorutinik naliliinerup inernera naliliinerup naammassineqarnerata kingorna neqerooruteqartunut piaartumik nalunaarutigineqassaaq.

2025-mi janaarip ulluisa aallaqqaataanni isumaqatigiissusiortoqassaaq. Isumaqatigiissusiarineqartup ukiumi sisamani sivissuseqarnissaa naatsorsuutigineqassaaq. Isumaqatigiissutip atuunnerani, isumaqatigiissummik iluarsinissamik periarfissaqarani akigititaq aalajangersimasuuvoq, taamaattorli ikiuutitut atortusanullu aalajangersimasunut, maannakkut isumaqatigiissutaasumut attuumassuteqartunut, akitsuutit suliakkerneqartumut eqquisinnaasunut iluarsisoqarsinnaassalluni. Akileraarutit akitsuutilluunniit allat, isumaqatigiissutip annertussusaanut iluarsisutaasinnaanngillat. Isumaqatigiissutip ingerlanerani, neqerooruteqarnermi akit iluarsivigineqarsinnaanera sillimaffigineqarpoq.

Isumaqatigiissut naapertorlugu suliakkerneqartup isumaqatigiissutitigut aningaasat tigusassai, aningaasanut tigusassanut tunngatillugu qaavatigut akiliuteqarnissamik ersarissumik allassimasoqanngippat, isumaqatigiissummi matumani suliassanut tamanut matussutaavoq, matumani suliakkerneqartup sulisuisa akissaasersorneqarnissaannut, eqqiaatinut, aningasartuutit ilanngullugit.

6 Sillimasiineq

Suliarinnittussap akisussaaffiini iliuseqarnikkut imaluunniit ilaginnaaneratigut, sulisut, innuttaasut Qeqqata Kommunanullu ajutoornissamut allatigullu annasaqarnissamut qulakkeerisussamik, suliarinnittussaq inatsisitigut pisariaqartunillu sillimasiisussaataavoq.

7 Piffissamut pilersaarut

Suliariumannittussarsiuussineq piffissaq atorneqartussaq matuma kinguliani allassimasoq malillugu

ingerlanneqartussatut naatsorsuutigineqarpoq:

Sammissaq	Piffissaq (Kitaata nalunaaqutaa)
Neqeroorutip tamanut saqqummiunneqarnera	Tallimanngorneq 4. oktobari 2024
Apeqqutit tiguneqarnissaannut killiliunneqartoq	Pingasunngorneq 11. oktobari 2024
Neqerooruteqartumut apeqqutit qulaajaasut	Ataasinngorneq 14. oktobari 2024
Neqerooruteqarnissamut piffissaliussaq	Tallimanngorneq 25. oktobari 2024
Neqeroorutitik ammaaneq	Ataasinngorneq 28. oktobari 2024
Tunniussinermik nalunaaruteqarneq	Ataasinngorneq 28. oktobari 2024
Isumaqatigiissummik atsiorneq	Tallimanngorneq 1. januaari 2025
Tunniussineq	Tallimanngorneq 2. januaari 2025

Uppernarsaatitut sinaakkutigineqartoq isumaqatigiissutigineqassaaq.

8 Naammagittaalliuuteqarnissamut ilitsersuut

Naammagittaalliuutit, Pisortat Pisiortortarneranni Neqerooruteqartitsinermi Maalaaruteqartarfik pillugu Inatsisartut inatsisaat nr. 7, 12. juni 2019-imeersumi aalajangersakkat naapertorlugit (tamatum kingorna neqerooruteqartarnermut naammagittaalliuuteqartarfik pillugu inatsit) Pisortat Pisiortortarneranni Neqerooruteqartitsinermi Maalaaruteqartarfianut nassiuunneqassapput.

Naammagittaalliuut suliamut tunngatillugu ilanngussartalik suliakkiuteqartup naammagittaalliuutaata inerniliiffigineqarnerata aalajangiiffigineqarnerataluunniit kingorna kingusinnerpaamik sapaatit akunneri sisamat qaangiunneranni allaganngorlugu Neqerooruteqartarnermut Naammagittaalliuuteqartarfimmut tunniunneqassaaq, Neqerooruteqartarnermut Naammagittaalliuuteqartarfik pillugu inatsit § 5, imm.1. takuuk.

Naammagittaalliuutip naammagittaalliuuteqartarfimmut tunniunneqarneranut peqatigitillugu naammagittaalliuuteqartup suliakkiissutini pillugu Suliakkiisumut allaganngorlugu nalunaarutigissavaa. Naammagittaalliuut naammagittaalliuuteqartup Suliakkiisumut naammagittaalliuuteqarfigineqartumut nalunaarutaata assilineranik ilaqartinneqassaaq, Neqerooruteqartarnermut Naammagittaalliuuteqartarfik pillugu inatsit § 5, imm. 2. takuuk.

Pisortat Pisiortortarneranni Neqerooruteqartitsinermi Naammagittaalliuuteqartarfimmut attaveqarnissamut paasissutissat:

Pisortat Pisiortortarneranni Neqerooruteqartitsinermi Naammagittaalliuuteqartarfik.

Imaneq 29, 1 sal

Postboks 689

Nuuk

aua@nanoq.gl

Ilanngussaq 1 NEQEROORNERMI EQITSIT

NEQEROORUTIT

Neqeroorutit allattorsimaffii: **Maniitsumi meeqquerivinnut sisamanut nioqutissanut aamma pajuttarnissamut neqeroortitsineq.**

Neqeroortitsinermut atortussat aki naapertorlugit Maniitsumi meeqquerivinnut sisamanut suliffeqarfik ataani atsiortoq matumuuna nioqutissiornissamut nerisassanillu pajuttarnissamut neqerooruteqarpoq

Maniitsumi meeqquerivinnut sisamanut nioqutissanut aamma pajuttarnissamut neqeroortitsineq, ukiumut aki

kr _____

Ulloq:

Ateq: _____

Najugaq _____

Oqarasuaat. _____

Suliffeqarfiup naqinnera atsiorneralu
